

讀書  
雜志

管子弟九

讀書雜誌五

高郵王念孫

七臣七主

申主

申主任勢守數以爲常尹注曰申謂陳用法令劉曰申乃中字之誤蓋謂得中道之主引之曰申讀曰信漢書高惠高后文功臣表注曰古信申同義信之通作申猶申之通作信也出政而信於民故曰信主據下文云皆要審則法令固賞罰必則下服虔則申主之卽信主明矣尹劉二說皆失之

振怒

臣下振怒不知所錯引之曰怒當爲恐此涉上文喜怒而誤也振恐卽震恐

植

盡自治其事則事多多則昏昏則緩急俱植洪云植古置字謂緩急皆置而不行也尹注非

虞而安

故主虞而安吏肅而嚴民樸而親念孫案虞與娛同樂也言國有道則主樂而安也尹訓虞爲度非是又案故主虞而安以下七句與上文不相承接其上當有脫文

女不緇

夫男不田、女不緇、引之曰、緇字義不可通、尹訓爲黑、緇非也、緇當爲績、男不田、女不績、猶揆度篇之農不耕、女不織也、隸書留字或作畵、形與責相似、故績譌爲緇。

桀

何以効其然也、曰、答者桀紂是也、念孫案桀字後人所加、下文遇周武王云云、專指紂而言、則無桀字明矣。

義不足

歲有敗凶、故民有義不足、念孫案義當爲羨、字之誤也、後國蓄篇輕重乙篇多言羨不足、尹注非。

倮大衍

無割大陵倮大衍伐大木尹注曰倮謂焚燒令蕩然俱盡洪云倮當爲倮輕重已篇作毋戮大衍古通作勦謂盡其力也念孫案洪謂倮當爲倮是也俗書倮字或作倮倮字或作倮二形相似而誤倮卽倮字也說文倮燒種也漢律曰倮田祿艸玉篇力周切田不耕火種也淮南地形篇注曰下而汚者爲衍倮倮古字通倮大衍者謂火焚其草木也輕重已篇倮作戮古者戮勦二字竝與倮同音湯誥釋文曰勦說文力周反成丁三年左傳勦力同心釋文勦稽康力幽反呂靜韻集與倮同漢書高祖紀臣與將軍戮力攻秦師古曰勦音力竹反又力周反古今人表廖叔安師古曰左氏傳作戮

同音力周反、又力授反、是穀勁二字音與膠同也、故膠通作穀、又通作僂也、呂氏春秋上農篇曰、山不敢伐材下木、卽此所謂無伐大木也、又曰、澤人不敢灰僂、卽此所謂無僂大衍也、

### 收穀賦

收穀賦、念孫案續漢書五行志注引作收穀賦錢是也、說文賦、斂也、賦錢與收穀對文、

### 五穀

冬無傷伐五穀、念孫案五穀當依朱本作五藏、禁藏篇云、冬收五藏是也、今作五穀者、涉注文而誤、注云、五穀之藏是釋五藏、非續漢書五行志注引此正作五藏、

火暴

大水漂州流邑大風漂屋折樹火暴焚地焦草念孫案  
火暴當爲暴火與大水大風對文焚地焦草亦與上二  
句對文焦與焦同尹注非

蟲蠹

山多蟲蠹念孫案蟲蠹卽蟲螟月令曰蟲螟爲害是也  
注內蠹卽蠹三字蓋後人妄加非尹注也

人主道

能去此取彼則人主道備矣念孫案人主道備續漢書  
五行志注引作王道備於義爲長

不克其罪

數出重法而不克其罪則姦不爲止尹注曰克謂勝伏引之曰克讀爲核不克其罪謂不核其罪之虛實也呂刑曰其罪惟均其審克之漢書刑法志引作其審核之是其證矣尹注非

有百姓

故法不煩而吏不勞民無犯禁故有百姓無怨於上劉曰有字疑衍念孫案有卽百字之誤而衍者

臣法

上亦法臣法念孫案臣下當有亦字上亦法臣亦法謂



君臣皆守法也下文君法臣法卽承此文言之尹注非

倂反

好倂反而行私請劉曰倂與交同反當作友注非念孫案明法篇曰民務交而不求用又曰十至私人之門不一至於庭明法解交作倂

愚忠

故記稱之曰愚忠譏賊念孫案愚忠本作愚臣卽承上文愚臣而言故尹注亦作愚臣此作愚忠者唐武后改臣爲愚因脫其上畫而爲忠矣

禁藏

先易者

夫先易者後難先難而後易萬物盡然念孫案先易者後難者當依下句作而尹注云無刑至有刑故曰先易而後難卽其證孫說同

樂其殺

故必誅而不赦必賞而不遷者非喜于而樂其殺也念孫案其字涉上文知其然而衍尹注無

不法法

夫不法法則治念孫案不字涉上文而衍法法者守法也周官小宰五曰廉瀆言能守瀆則國必治也故下文鄭注瀆守瀆不失也

日不失其法，然後治。若反是，則謂之不法法。故法法篇曰：不法法，則事母常也。尹注非。

### 刑賞

刑賞不當，斷斬雖多，其暴不禁。念孫案：賞字與下二句義不相屬。此涉下文賞雖多而衍。

### 澁源

故利之所在，雖千仞之山，無所不上。澁源之下，無所不入。易念孫案：澁源當爲澁淵。意林：淵作泉，避唐高祖諱也。則本作淵明矣。

菽室煖造

樵室

堽竈

當春三月菽室煨造鑽燧易火。汙井易水。所以去茲毒也。尹解菽室煨造云。煨。謂以火乾也。三月之時。陽氣盛發。易生溫疫。楸木鬱臭。以辟毒氣。故燒之於新造之室。以禳祓也。念孫案。尹說甚謬。輕重己篇曰。教民樵室鑽燧。竈泄井。所以壽民也。鑽。燧泄井。卽此所謂鑽燧易火。汙井易水也。樵與菽古字通。菽室。卽樵室也。公羊春秋桓七年。焚咸邱。傳曰。焚之者何。樵之也。樵之者何。以火攻也。樵室與煨竈同意。煨古然字也。霸形篇。楚人燒燔。煨焚。鄭地。論衡感虛篇。煨一炬火。爨一鑊水。煨並與然同。淮南天文篇。陽燧見日。則然。而爲火。華嚴經十三音義。引然作燔。說文曰。然。燒也。燔與煨字相似。故

說林篇。一。膊炭煨。文子上德篇。燔作然。

說文曰。然。燒也。燔與煨字相似。故

燠譌作瑾造卽竈字也周官膳夫曰王日一舉以樂侑  
食卒食以樂徹于造淮南主術篇曰伐礬而食奏雍而  
徹已飯而祭竈淮南之祭竈卽周官之徹于造蓋徹饌  
而設之於竈若祭然也周官大祝二曰造故書造作竈  
史記秦本紀客卿竈秦策竈作造吳越春秋夫差內傳  
勒馬銜枚出火於造卽吳語所謂係馬舌出火竈也

約地之宜 不求而約

順天之時約地之宜念孫案約字於義無取約當爲得  
得約草書相似故得譌爲約也又下文故奔走者無所  
匿遷徙者無所容不求而約不召而來約亦草書得字

之誤得與來爲韻也。古來字亦讀入聲。小雅出車篇韻。我來矣與牧載棘爲韻。大東篇職勞不來與服爲韻。大雅靈臺篇庶民子來與玉圖伏爲韻。常武篇徐方既來與塞爲韻。通典食貨三引此正作不求而得。

### 必成

故德莫若博厚使民外之賞罰莫若必成使民信之念孫案必成本作成必成卽誠字也。說見君臣下篇戒心下。九守篇

云用賞者貴誠用刑者貴必故曰賞罰莫若誠必使民信之誠必與博厚相對爲文作成者假俗字耳後人不解成必二字之義遂改爲必成而不知其謬以千里也荀子致士篇曰人主之患不在乎不言用賢而在乎不

誠必用賢呂氏春秋論威篇曰又況乎萬乘之國而有  
所誠必乎則何敵之有賈子道術篇曰伏羲誠必謂之  
節牧乘七發曰誠必不悔決絕以諾淮南兵略篇曰將  
不誠必則卒不勇敢皆以誠必連文尤守篇又曰刑賞  
信必於耳目之所見信必亦誠必也

備追

故民無流亡之意吏無備追之憂引之曰備追當爲追  
捕民不流亡則吏不追捕漢書韓延壽傳亦云吏無追  
捕之苦民無箠楚之憂今本追捕二字誤倒而捕字又  
誤爲備則義不可通尹注內備字亦當爲捕案注云人  
不流亡何

所捕而追之則所見本追捕已誤爲捕追今則注文捕  
字又因正文而誤爲備矣通典引作備追則所見本已  
誤

### 素食

果菰素食當十石引之曰素讀爲蔬字或作蔬月令取  
蔬食鄭注曰草木之實爲蔬食淮南主術篇曰夏取果  
菰秋畜蔬食卽此所謂果菰素食也墨子辭過篇古之  
民未知爲飲食時素食而分處亦以素爲蔬尹注非

### 視其陰所憎

視其陰所憎厚其貨賂得情可淡念孫案陰字涉下文  
陰內辯士而行視其所憎與上文視其所愛相對據尹



注云視敵所憎者多與之賂則所憎上無陰字明矣

可以成敗

遺以竽瑟美人以塞其內遺以諂臣文馬以蔽其外外  
內蔽塞可以成敗尹注曰內外蔽塞則理拂而見惑故  
莫不敗引之曰此欲其敗非欲其成也成字義不可通  
成當爲或字形相似而誤或與惑通四稱篇迷或其君  
淵篇于張問崇德辨惑釋文或本亦作或大戴禮曾子  
制言篇貧賤吾恐其或失也盧注曰或猶惑也孟子告  
子篇無或乎王之不智也魏策曰臣甚或之皆以或爲惑可以惑敗謂可令其以  
惑致禍敗也注內理拂而見惑正解或字

典之同生

必淡親之如典之同生孫云典當爲與尹注非

離氣

離氣不能令必內自賊念孫案離氣本作離意卽承上使有離意而言故尹注云君臣意離別不可使令

入國

四句五行

入國四句五行九惠之教洪云四句四十日也五行行五次也史記管仲傳正義引管子云相齊以九惠之教是約其義也尹注非

六日問疾 疾甚者以告

一曰老老、二曰慈幼、三曰恤孤、四曰養疾、五曰合獨、六曰問疾、七曰通窮、八曰振困、九曰接絕、引之曰問疾、當爲問病。下文曰：凡國都皆有掌病。士人有病者，人當掌作民病以上令問之。又曰：掌病行於國中，以問病爲事。此之謂問病。與此前後相應，則作問病明矣。若作問疾，則與四曰養疾之疾無所區別。蓋傳寫之譌也。北堂書鈔政術部十三引此已誤。又案下文所謂問疾者，疾甚者以告。二疾字皆當作病。所謂問病者，與此之謂問病正相應也。士人有病者，掌病以上令問之，病甚者以告，上身問之，有病與病甚亦相應也。今本作疾者，蓋六曰問病

已誤作疾後人又據已誤之上文改不誤之下文耳幸其改之不盡尙可據以更正

臍胜

必知其食飲飢寒身之臍胜而哀憐之尹注曰臍瘵也胜肥也念孫案訓胜爲肥於古無據且與下文哀憐二字義不相屬今案胜讀如減省之省胜亦瘵也字或作責又作瘵又作省周官大司馬馮弱犯寡則責之鄭注曰責猶人瘵瘵也釋名釋天篇曰責瘵也如病者瘵瘵也又釋言語篇曰省瘵也臍瘵約少之言也呂氏春秋審時篇失時之稼約高注曰約瘵病也晉灼注漢書外

歐傳曰三輔謂憂愁面省瘵曰嫵冥後漢書袁閔傳注引謝承書曰面貌省瘵竝字異而義同

皆有掌養疾 皆有通窮

所謂養疾者凡國都皆有掌養疾引之曰皆有掌養疾養字因上文而衍上文說老老云凡國都皆有掌老說慈幼云凡國都皆有掌幼說恤孤云凡國都皆有掌孤說問病云凡國都皆有掌病則此亦當言掌疾明甚又案下文曰所謂通窮者凡國都皆有通窮亦當言皆有掌窮今作皆有通窮者因上文而誤

殊身

上收而養之、官而衣食之、殊身而後止、念孫案說文、殊、  
外也、猶言殁身而後止也、尹注非、

歲凶庸

歲凶庸

句

人嘗厲多外喪、引之曰、庸字義不可通、庸疑

當作康、字形相似而誤、凶康、卽凶荒也、古聲康與荒通、  
故襄二十四年穀梁傳、四穀不升、謂之康、韓詩外傳、康  
作荒、逸周書謚法篇、凶年無穀曰穰、史記正義、穰作荒、  
淮南天文篇、三歲而一饑、六歲而一衰、十二歲而一康、  
太平御覽、時序部二、引作十二歲而一荒、

九守

四曰上下左右前後熒惑其處安在

一曰天之二曰地之三曰人之四曰上下左右前後熒

惑其處安在尹注曰又須知法星所在也念孫案尹以

熒惑爲法星非也熒惑猶眩惑也

逸周書史記篇曰熒惑不治趙策曰蘇秦

熒惑諸侯或作營惑又作營或史記吳王濞傳御史大夫鼂錯熒惑天子漢書作營或淮南厲王傳熒惑百姓

漢書作營惑

鬼谷子符言篇四曰作四方其處作之處於義

爲長

四方作四曰因上文一曰二曰三曰而誤

四方上下承天地而言左右

前後承人而言熒惑謂不明於天地人之道也問心所

眩惑之處在四方上下乎抑在左右前後乎故曰四方

上下左右前後熒惑之處安在非謂法星安在也

尹注鬼谷

子曰災眚天之法星所居災眚吉凶尤著故曰雖有明天子必察災眚之所在故亦須知也念孫案雖有明天子二句出史記天官書非此所謂災眚也蓋緣彼文云必視災眚所在此亦云災眚之處安在因而誤會矣

### 開閉

開閉不開善否無原引之曰開閉當為開閉尹注說文

曰開曰木橫持門戶又曰閉闔門也從門才所以𡩇門

蓋開與閉皆𡩇門之木因謂闔門為開閉也八觀篇曰

宮垣開閉不可以不備

今本備誤作脩辨見版法

是開閉皆𡩇門之

木故曰開閉不開也若開為里門而與開竝舉之則為

不類八觀篇既云開閉不可以不備又云閭閉不可以

母闔是閭閉為一類開閉為一類也閉字本作開與開



相似而誤鬼谷子正作關閉不開

今本鬼谷子關誤作開不下又脫開字而

閉字獨不誤

度地

經水若澤

故聖人之處國者必於不傾之地而擇地形之肥饒者鄉山左右經水若澤尹注曰其國都或在山左或向山右及緣水澤然後建引之曰經字義不可通地在水旁非經過之謂也蓋因下文命曰經水而誤經當作緣緣者因也因水及澤而建都也注內緣水澤三字即覆舉正文也

州者

州者謂之術不滿術者謂之里引之曰州者上亦當有  
不滿二字下文里十爲術術十爲州故曰不滿州者謂  
之術不滿術者謂之里尹注非

出於他水

水之出於他水溝流於大水及海者命曰川水念孫案  
出於他水本作出於地下文出地而不流者命曰淵水  
正對此出地而流者言之今作出於他水者地他字相  
似又涉上文別於他水而誤水經河水注引此正作出  
於地上文云水別於他水入於大水及海者命曰枝水  
若此文亦云水出於他水溝流於大水及海則與

上文之枝  
水無異

往之

此五水者因其利而往之可也因而捫之可也念孫案  
往當爲注字之誤也隸書往字或作注與注相似注之與捫之意正  
相反據尹注云謂因地之勢疏引以溉灌則當作注明  
矣

雨葦

雨葦什二尹注曰車葦所以禦雨故曰雨葦念孫案說  
文葦大車駕馬也葦非所以禦雨葦當爲輦扶遠步字本二反字  
之誤也輦謂車蓋弓也方言車枸簣而隴謂之楨郭注

曰卽車弓也、楯與輦同釋名曰輦藩也、藩蔽雨水也、故注云、車輦所以禦雨故曰雨輦

獨水

獨水蒙壤、自塞而行者江河之謂也、念孫案獨水當爲濁水、見下文、

地員

樛擻桑

黃唐其木宜樛擻桑、尹注曰擻柔、又曰柔桑也、引之曰尹以擻桑爲柔桑、非也、曲風七月篇爰求柔桑、自謂求桑之稱者、以養初生之蠶耳、非謂柔桑爲桑名也、樛擻桑三者皆木名、擻讀爲唐風隰有杻之

柎爾雅柎櫨郭璞曰似棣細葉葉新生可飼牛材中車  
輞關面呼柎子一名土櫃西山經曰英山其上多柎櫃  
是也攪字古讀若狃故與柎通左傳公山不狃論語作  
弗攪是其證也

黃而糗流徙

其泉黃而糗流徙念孫案黃而糗後漢書馮衍傳注引  
作黃而有臭是也上文云其水白而甘下文云其泉鹹  
又云其水黑而苦則此文當作其泉黃而有臭無取於  
糗也尹注非流徙上當有水字下文云斥堠其泉鹹水  
流徙是其證

主一

先主一而三之、引之曰主、當爲立字之誤也、史記律書云、置一而九三之、以爲法、置一、卽立一、

品榆

其木乃品榆、引之曰品榆、當爲區榆、區與榆同類、故竝言之、字本作區、或作樞、又作樞、竝讀如謳、歌之謳、爾雅釋木、樞、莖、郭注曰、今之刺榆、唐風山有樞、傳曰、樞、莖也、釋文竝烏侯反、云本或作區、爾雅疏引陸機詩、疏曰、其針刺如柘、其葉如榆、滿爲茹、美滑於白榆、是也、區字本有謳音、故區通作區、今則脫其亡、胡禮反、字而爲品矣、

莧

攀下於莧。莧下於蒲。蒲下於葦。葦下於萑。念孫案莧當  
爲莞。爾雅釋草莞苻藿。某氏曰本草云白蒲一名苻藿。  
楚謂之莞蒲。小雅斯干篇下莞上簟。鄭箋曰莞小蒲之  
席也。釋文曰莞草叢生水中莖圓江南以爲席形似小  
蒲而實非也。莞似蒲而小故曰莞下於蒲。若莧則非其  
類矣。逸周書文傳篇曰潤濕不穀樹之竹葦莞蒲。穆天  
子傳曰爰有萑葦莞蒲。此文云莧下於蒲。蒲下於葦。葦  
下於萑。則莧字明是莞字之譌。隸書完字或作虎形與  
見相似。故諸書中莞字多譌爲莧。史九五莧陸夫大虞  
注曰莧讀夫子莧爾

而笑之。覓、覓，卽莞字之譌。故釋文云：覓，一本作莞。論語  
湯貨篇：夫子莞爾而笑。釋文：莞作覓。楚辭：漁父莞  
爾而笑。莞，一作覓。列子：天瑞篇：老莊爲莞釋文：莞，  
一作覓。文選：辨亡論：莞然坐乘其敝。李善本作覓。

### 每州

九州之土爲九十物，每州有常，而物有次。念孫案：每州  
有常，困學紀聞周禮類引作每土有常，是也。下文上土  
中土下土各有三十物，故曰每土有常，而物有次，不當  
言每州也。此涉上文九州而誤。

### 蟲易

五沃之狀，剝忒橐土。蟲易全處。尹注曰：橐土，謂其土多  
竅穴若橐，多竅故蟲處之易全。引之曰：蟲易全處，殊爲



不詞、易當爲豸、豸與易篆文相似、故豸譌作易、爾雅曰、有足謂之蟲、無足謂之豸、漢書五行志曰、蟲豸之類、謂之孽。

不類

大者不類、小者則治、劉曰、類當作類、疵節也、言大麻疏美無疵節、小麻條理易治也、注非、念孫案類類古字通、昭十六年左傳、刑之頗類、服虔讀類爲類、二十八年、念類無期服、本作類、老子、夷道若類、河上公本作類。

青忒以落反

五位之狀、不塌不灰、青忒以落反、尹注曰、謂色青而細密、和落以相及也、引之曰、尹說甚謬、落與灰爲韻、及字

蓋衍文耳下文云五隱之狀黑土黑流青忱以肥芬然若灰亦以落灰爲韻

箭

其山之末有箭與苑念孫案箭當爲箭爾雅釋草曰箭王簠郭注王帝也似藜其樹可以爲埽簠江東呼之曰落帝說文作箭義同爾雅又曰箭山莓郭注今之木莓也實似蔗莓而大亦可食說文作箭義同草之名箭者有二則未知此所謂箭者爲王簠與爲山莓與唯與苑竝言之則亦是草名而非竹箭之箭故知箭爲箭之譌也苑與苑通急就篇曰牡蒙甘草苑藜蘆顏師古注苑

謂紫苑女苑之屬

若苑

其葉若苑念孫案苑卽上文有蒨與苑之苑尹注非

大黃細黃

剽土之次曰五沙其種大黃細黃白莖青秀以蔓尹注

曰黃草名引之曰尹說非也此篇凡言其種某某者皆

指五穀而言

上文云羣土之長是唯五粟其種大重細

細苗其莖黑秀箭長沃土之次曰五位其種大葦無細

葦無純莖白秀位土之次曰五隱其種樞葛純莖黃秀

悲曰其葉若苑隱土之次曰五壤其種大木腸細木腸

神莖黃秀壤土之次曰五澤其種忍憐忍菜如菹菜以

長瓜其莖黑莖黑秀其粟大土曰五杰其種大稷

細稷純莖黃秀細粟如麻杰土之次曰五植其種大郎

鄭細邯鄲莖葉如扶種其粟大種土之次曰五盤其種  
大荔細荔青莖黃秀盤土之次曰五剽其種大杞細杞  
黑莖青秀下文云沙土之次曰五塤其種大穆杞細穆  
杞黑莖黑秀下土曰五猶其種大華細華白莖黑秀猶  
土之次曰五壯其種青梁黑莖黑秀壯土之次曰五殖  
其種鴈膳黑實朱附黃實殖土之次曰五穀其種大菽  
細菽多白黃穀土之次曰五臯其種陵稻黑膳馬夫臯  
土之次曰五桀其種白稻長狹以上凡言其種某某者  
皆指五穀之大名與其別類而言尹注以大邯鄲細若  
邯鄲大華細華忍膳鴈膳黑鵝馬夫為草名皆非也若  
草木則於五穀之外別言之不得稱種也黃讀為大雅  
維秬維秠之秠爾雅曰秬黑黍秠一稗二米郭注曰秠  
亦黑黍但中米異耳上文云其種大秬小秠此云其種  
大黃小黃是黃即秠也黃字從草負聲負古讀若倍說  
正唐韻聲與秠相近秠之通作黃猶丕之通作負也是有

丕子之責于天、史記魯世家丕作負、月令王瓜生、鄭注曰、今月令云王萑生、呂氏春秋孟夏篇作王萑生、穆天子傳爰有萑葦莞蒲、萑、郭注曰、萑、今萑字、音倍、中山經、萑山、郭注曰、萑、音倍、漢書宣帝紀、行幸萑陽宮、李斐曰、萑、音倍、東方朔傳、萑陽作倍陽、是萑字古讀若倍、聲與秭相近、故字亦相通也。

僕累

五埒之狀、累然如僕累、尹注曰、僕、附也、言其地附著而重累也、洪云、山海經中山經、埒、清多僕累、郭璞注云、僕、累、牛也、此上下文若糠以肥、如屑塵、屬如糞、如鼠肝、

皆舉物以喻其土尹注非念孫案洪說是也僕累卽爾雅之蚘蚘聲相近

### 大樛杞細樛杞

其種大樛杞細樛杞黑莖黑秀念孫案樛當爲樛杞當

爲杞樛卽黍稷重樛之樛杞卽維糜維芑之芑

上文云大重細

重大柎細柎大黃細黃重卽重移之重黃卽維柎維柎之柎

大荒南經維宜芑芑樛

楊是食郭注曰管子說地所宜云其種樛杞黑秀皆禾類也是其證尹注木名亦禾名之譌集韻杞禾名引管子其種樛杞義本尹注也

### 五殖

五殖之次曰五穀念孫案五殖當爲殖土例見上下文

管子第九

管子弟十

讀書雜誌五

高郵王念孫

形勢解

臣之高行

忠者臣之高行也。念孫案臣之高行當依朱本作臣下之高行。下文臣下字凡七見。初學記人部上太平御覽人事部五十九並引作臣下之高行。

隨

臣下隨而不忠則卑辱困窮。念孫案隨當依朱本作墮。墮與惰同言怠惰而不盡其力也。上文云臣下能盡力



事上則當於主正與此文相對洪說同

### 美行

民之所歌樂者美行德義也而明主鴻鵠有之念孫案美行當爲美貌美貌謂鴻鵠德義謂明主竝見上文今作美行者涉上文行之美者而誤

### 弓弦

射者弓弦發矢也引之曰弓當爲引此因上文兩弓字而誤

### 善馭馬

造父善馭馬者也念孫案羿善射者也造父善馭者也

文同一例、馭下馬字涉下文而衍、太平御覽工藝部三引此無馬字、

車器

奚仲之爲車器也、念孫案器字涉下文兩器字而衍、藝文類聚舟車部、太平御覽車部二、引此皆無器字、

備利

枉道而取容適主意而儉說、備利而儉得、念孫案、備當爲循、隸書循字作循、備字作脩、二形相似而誤、荀子勸學篇聖心備焉、備誤作循、

事共主

人主能安其民則事其主如事其父母念孫案事其主上脫民字當依羣書治要補下文云則民不爲用正與此文相對

萬事之任 異起

故曰萬事之任也異起而同歸念孫案形勢篇作萬事之生也異趣而同歸是也生任趣起皆字形相近而誤動者

弱子慈母之所愛也不以其理動者下凡則慈母笞之念孫案宋本無動者二字是也太平御覽刑法部十五引此亦無此涉下文兩動者而衍孫說同

而身外國亡

桀紂貴爲天子富有海內地方甚大戰卒甚衆而身外國亡爲天下僂者不知爲之之術也念孫案羣書治要而身外上有然字當據補然而者如此而也古書中若是者多矣孟子曰七十者衣帛食肉黎民不飢不寒然而不王者未之有也又曰夫環而攻之必有得天時者矣然而不勝者是天時不如地利也又曰犧牲既成粢盛既絜祭祀以時然而旱乾水溢則變置社稷孟子而外不可枚舉

衆人

亂主獨用其智而不任衆人之智念孫案衆人當依朱本作聖人此涉下文不任衆人之力而誤也上文云明

主不用其智而任聖人之智正與此文相對羣書治要亦作聖人之智

多黨

左右多黨比周以壅其主引之曰多當爲朋字之誤也

古文多字作𠂔形與朋相似故立政九敗解曰人主聽朋誤爲多說見秦策公仲侈下

羣徒比周則羣臣朋黨蔽美揚惡荀子臣道篇曰朋黨比周以環主圖私爲務韓子孤憤篇曰朋黨比周以弊主飾邪篇曰羣臣朋黨比周以隱正道行私曲齊策曰夫從人朋黨比周莫不以從爲可皆其證也

使人有禮遇人有理

念孫案羣書治要上作理下作禮是也使人有理謂使之必以道也過人有禮謂待之必以禮也賈子階級篇曰遇之有禮故羣臣自喜是也今本理禮二字互易則非其指矣

立政九敗解

朋黨

如是則朋黨者處前寡黨者處後念孫案朋當爲多下同黨多與寡正相對多朋字形相似又涉上文朋黨而誤

任譽

人君唯母聽請謁任譽

念孫案唯母聽請謁任舉者唯舉請謁任舉也母語詞說見墨

子尚賢篇則羣臣皆相爲請孫云譽當爲舉立政篇本作舉任法篇亦兩言請謁任舉念孫案朱本正作舉

求用

羣臣務倂而求用念孫案求用上當有不字明法篇曰以黨舉官則民務倂而不求用解曰羣臣相推以美名相假以功伐務多其倂而不爲主用是其證

謀臣

如是則謀臣外而諂臣尊矣念孫案謀當爲諫八觀篇云諫臣外而諛臣尊是其證諫臣與諂臣正相對無取於謀臣也此因字形相似而誤

白虎通義引禮保傳曰大夫進諫今賈子保傳

篇及漢書賈誼傳諫竝作謀淮南主術篇耳能聽而執正進諫高注諫或爲謀

### 版法解

#### 版法者

版法者法天地之位象四時之行念孫案版字涉上版法解而衍法天地之位云云乃釋法字非釋版法二字諸解皆不釋篇名故知版爲衍文也鈔本北堂書鈔刑法部上陳禹謨本刪去藝文類聚刑法部太平御覽刑法部四引此皆無版字

#### 下饒

疎遠微賤者無所告謫則下饒洪云饒當作撓撓屈也



畢

冬既閉藏百事盡止往事畢登來事未起念孫案宋本  
畢作必古字假借也立政篇小大必舉列子楊朱篇無  
不必致之韓子大體篇物不必載  
秦策四國必從必並與畢同漢書王褒傳  
聖主得賢臣頌萬祥畢臻文選畢作必今作畢者後  
人不識古字而改之

從事之勝任

欲猷之親上鄉意也欲其從事之勝任也念孫案從事  
之勝任之字涉上句而衍從事勝任與親上鄉意對文  
下文云如此則猷親上鄉意從事勝任矣是其證

事無機

凡國無法則眾不知所爲無度則事無機洪云藝文類聚五十四太平御覽六百三十八引機俱作儀任法篇云聖君置儀設法而固守之又云置儀設法以度量斷者上主也禁藏篇云法者天下之儀也形勢解云法度者萬民之儀表也此作機字誤

### 則國治

明君能勝六攻而立三器則國治念孫案則國治當依羣書治要作故國治與下故國不治對文

### 脫一字

六攻者何也親也貴也貨也色也巧佞也玩好也念孫

案何也、下脫曰字、當依羣書治要補、上下文何也、下皆有曰字、

明法解

所職

孤寡老弱不失其所職、念孫案羣書治要無所字是也、不失其職者、爾雅曰職、常也、言孤寡老弱皆有所養而不失其常也、漢書武帝紀、賜年九十以上、及鰥寡孤獨、帛人二匹、絮三斤、八十以上、米人三石、有冤失職、使者以聞、師古曰、職、常也、失職者、失其常業及常理也、宣帝紀、其加賜鰥寡孤獨高年帛、母令失職、竝與此失職同、

義加一所字則義不可通

明主

明主者上之所以一民使下也私術者下之所以侵上  
亂主也念孫案明主當爲明法明法與私術相對爲文  
下文法廢而私行卽承此法字而言今作明主者涉上  
下文明主而誤

愛爵祿

百官之奉法無姦者非以愛主也欲以愛爵祿而避刑  
罰也今本脫刑字念孫案愛爵祿之愛當依朱本作受  
據上下文補受愛字相似又涉上愛主而誤

案其當宜

明主之治國也案其當宜行其正理念孫案羣書治要  
作案賞罰行其正理是也下文當賞當罰卽承此句而  
言今本賞字作其當二字涉下文其當賞者而誤又脫  
一罰字衍一宜字

私意

夫舍公法用私意明主不爲也念孫案私意當依朱本  
作私惠義見上下文羣書治要亦作私惠此作私意者  
涉上文兩私意而誤

服德

故威勢獨在於上、則羣臣畏敬、法政獨出於主、則天下服德、念孫案服德當依朱本作服聽字之誤也、服聽猶言服從、燕策及史記淮陰侯傳竝云、天下服聽是也、下文法政出於臣、則民不聽、正與此文相反、且聽與敬爲韻、

耶之所務事者

是故耶之所務事者、念孫案朱本及羣書治要耶上皆有姦字、當據補、上下文皆作姦耶、

不能勿惡也

是方正之與姦耶、不兩進之勢也、姦耶在主之側者、不

能勿惡也。念孫案惡也。當依羣書治要作惡之。下文曰。惟惡之。則必候主閒而日夜危之。三之字文義相承。

務其黨重臣

故羣臣皆務其黨重臣而忘其主。念孫案上其字涉下其字而衍。務黨重臣四字連讀。

不官

任人而不官。故不肖者不困。念孫案不官當依羣書治要作不課。任人而不課其功。則賢否無由而見。故不肖者不困也。下文曰。以官任其身而課其功。是其證。上文曰。聽言而不試。故妄言者得用。試亦課也。說文。課。今本試也。

課作官者涉上下文諸官字而誤

臣乘馬

暑耘

使農夫寒耕暑耘念孫案藝文類聚歲時部下太平御覽時序部十九白帖四引此暑竝作熱熱與暑義得兩通然諸書所引俱作熱且俱在熱類下則暑字乃後人所改也

女勤於織微而織歸於府

使農夫寒耕暑耘力歸於上女勤於織微而織歸於府念孫案女勤於織微而織歸於府當依事語篇作女勤



於緝績徽織功歸於府說文曰緝績也績緝也連言之則曰緝績陳風東門之池箋曰於池中柔麻使可緝績作衣服是也徽織卽徽識徽說文作微識今作幟周官司常注曰徽識旌旗之細也識或作織小雅六月篇織文鳥章箋曰織徽織是也功歸於府與力歸於上對文今本脫緝績功三字徽誤作微又衍織而二字織卽織字之誤而衍者

二十七日

百畝之夫予之策率二十七日爲予之春事引之曰七當爲五上文曰一農之重壤百畝也春事二十五日之內是也古五字作乂與七相似故五譌爲七

春秋

春秋子穀大登、念孫案春秋當爲秦秋、此涉上文春事而誤、秦秋卽秋也、見山國軌山至數二篇、其輕重乙輕重丁二篇、竝作大秋、大與秦同

乘馬數

五年之餘

人君之守高下、歲歲三分、十年則必有五年之餘、引之以五、當爲三、歲歲十分之三、至十年則餘三十分、每十分而當一年、故三十分而爲三年之餘也、

賤策乘馬

賤策乘馬之數奈何念孫案賤字涉上文獨貴獨賤而衍下文云此之謂策乘馬之數也無賤字

下樂上

故相壤定籍而民不移振貧補不足下樂上念孫案下樂上上亦當有而字

海王

臺雉

吾欲藉於臺雉何如引之曰臺爲宮室之名雉乃築牆

之度

定十二年公羊傳曰五板而堵五堵而雉坊記鄭注曰雉度名也高一丈長三丈爲雉

臺雉

二十意義不倫偏考諸書無以臺雉竝稱者國蓄篇曰

夫以室廡藉謂之毀成輕重甲篇曰寡人欲藉於室屋  
以此例之臺下之字亦當爲宮室之名雉蓋𦦒之譌也  
𦦒與射同見說文卽榭字之假借楚語榭不過講軍實劉  
敦銘王格千宣射卽宣十古字偏殤或左右互易如猶  
六年春秋之成周宣榭也或作𦦒或作𦦒或作𦦒或作𦦒  
或作𦦒或作𦦒或作𦦒或作𦦒或作𦦒或作𦦒或作𦦒  
相似因譌爲雉矣乘馬數事語地數輕重甲諸篇言臺  
榭者屢矣則此亦當然爾雅曰闔謂之臺有木者謂之  
榭

問口

萬乘之國人數問口千萬也孫云問當依宋本作開揆

度篇亦作開通典十引同

九百萬也

萬乘之國正九百萬也。月人三十錢之籍爲錢三千萬。今吾非籍之諸君吾子而有二國之籍者六千萬。引之曰正與征同。萬乘之國正絕句。萬乘之國正常征也。欲言征鹽策之善。故以常征相比校也。九百萬也者。九當爲人。篆文人字作几。與九相似而誤。揆度篇曰。萬乘之國爲戶百萬。戶爲開口千萬人。爲當分者百萬人。是萬乘之國雖有開口千萬人。其當分之人但有百萬。萬乘之國征。但征其當分之人百萬。故曰萬乘之國征。人百

萬也。月人三十錢之籍爲錢三千萬者，當分之人，每月籍其錢，人各三十，輕重丁篇曰：請以令籍人三十，泉是也。一人三十錢，百萬人則當爲錢三千萬，故曰月人三十錢之籍爲錢三千萬也。今吾非籍之諸君，吾子而有二國之籍者六千萬，言一國之常征，每月但有三十萬錢而已。今吾之征鹽策也，不待明發號令，籍之諸君吾子，而每月自有六千萬錢。上文曰：一倍於一國三十萬六千萬。萬之籍是有二國之籍也，故曰今吾非籍之諸君，吾子而有二國之籍者六千萬也。尹不知九百萬也，爲人百萬也之譌，又不知爲錢三千萬，乃百萬人一月之籍，故

其說皆不確

今夫給之鹽策 今鍼之重加一也

今夫給之鹽策孫云今當作令念孫案通典正作令又案下文今鍼之重加一也今亦令之譌上文云令鹽之重升加分彊文義正與此同

輦

行服連輶輦者念孫案輦當依朱本作輦通典引此亦作輦故尹注云大車駕馬

耜鐵之重加七

耜鐵之重加七三耜鐵一人之籍也引之曰七當爲十

上文曰、月人三十錢之籍、謂每一人、月有三十錢之籍也、今每一耜鐵、籍之加十錢、三耜鐵、則三十錢、而當每月一人之籍矣、故曰、耜鐵之重加十、三耜鐵、一人之籍也、上文今鍼之重加一也、今當爲令說見上、三十鍼、一人之籍、刀之重加六、五、六、三十、五、刀、一人之籍也、皆以三十錢當一人之籍、是其例也、尹說非

### 釜十五

有海之國、饑鹽於吾國、釜十五、吾受而官出之、以百引之曰十五、當爲五十、釜五十者、升加分也、出之以百者、升加一也、上文曰、鹽百升而釜、令鹽之重升加分、彊釜



五十也、升加一、彊釜百也、分者半也、有海之國、雖鹽於  
吾國、每升加錢之半、十升而加五錢、百升而加五十錢、  
故釜五十也、吾國受而使鹽官出之、則倍其數而升加  
一錢、十升而加十錢、百升而加百錢、故以百也、若作釜  
十五、則與出之以百多寡不相因矣、尹說非

國蓄

累於上

故人君挾其食、守其用、據有餘而制不足、故民無不累  
於上也、念孫案通典食貨十二引此累作繫、又引尹注  
云、食者、民之司命、言人君唯能以食制其事、所以民無

不繫於號令今本繫譌作累又全脫尹注

租籍者所以彊求也

劉云後輕重乙作租籍君之所宜得也正籍者君之所彊求也此有缺誤洪云正讀爲征

人君

人君鑄錢立幣民庶之通施也念孫案人君當爲今君此與上文君引鍛量用云云皆指桓公而言非泛言人君也今作人君者涉上下文人君而誤尹注非通典食貨入所引亦誤輕重甲篇正作今君鑄錢立幣

若干

人有若干百十之數矣。舊本十爲作千、據輕重甲篇及通典引改。念孫案若干二字涉上文人有若干步畝之數而衍上文步畝之數無定故言若干此旣云人有百十之數則不得更言若干矣通典所引已誤輕重甲篇無若干二字

并藏

然而人事不及用不足者何也利有所并藏也念孫案利有所并藏也藏字涉上文穀有所藏而衍并與屏同弟子職篇曰旣徹并器輕重丁篇曰大夫多并其財屏而不出史記吳王濞傳曰願并左右并皆與屏同即藏也上言穀有所藏此言利有所并互文耳漢書食貨志引此正作利有所并也輕重甲篇云有餓餒於衢

閭者何也穀有所藏也又云民有賣子者何也財有所  
并也鹽鐵論錯幣篇亦云交幣通施民事不及物則并有所并也計本量委民有飢者穀有所藏也則并  
下本無藏字明矣據尹注云豪富并藏財貨則所見本  
已衍藏字通典引尹注并藏財貨則所見卽是尹本而  
又於正文內刪去并字尤非

### 秩相勝

故人君御穀物之秩相勝念孫案秩讀爲迭迭更也穀  
貴則物賤穀賤則物貴是穀與物更相勝也集韻秩迭  
竝徒結切聲相同故字相通尹注非

### 夫國

夫以百乘衛處危懼、圍阻千乘萬乘之間、夫國之君不相中、舉兵而相攻、必以爲扞格蔽圍之用、念孫案夫國當爲大國、此涉上夫字而誤、大國卽千乘萬乘之國、不相中、不相得也、史記封禪書、康后與王不相中、索隱引三倉云、中、得也、

脫文十九

先王以守財物、以御民事而平天下也、念孫案通典食貨八引此、平天下也下有是以命之曰衡衡者、使物一高一下、不得有調也、十九字又引尹注云、若五穀與萬物平、則人無其利、故設上中下之幣、而行輕重之術、使一高一下、乃可權制利門、悉歸於上、今本正文注文皆

脫去

管子第十

管子第十一

讀書雜誌五

高郵王念孫

山國軌

過移

民有過移長力念孫案過當爲通地數篇輕重甲篇作  
通移國蓄篇作通施施與移同

有道子

桓公問於管子曰不籍而贍國爲之有道子念孫案子  
當依宋本作于聲之誤也于卽乎字也呂氏春秋審應  
篇魏昭王謂田蚡曰然則先生聖于高注曰于乎也莊

子人閒世篇不爲社者且幾有翦乎釋文曰乎崔本作  
于列子黃帝篇今女之鄙至此乎釋文曰乎本又作于  
周穆王篇王乃歎曰於乎釋文乎作于論語爲政篇引  
書孝乎惟孝釋  
文乎作于皇侃本及漢石經竝同管子九守  
篇寂乎其無端也鬼谷子符言篇乎作于是乎字古  
通作于也通典食貨十二徑改爲乎義則是而文則非  
矣

捍寵・勝

捍寵壘箕勝簾屑糗洪云寵當作寵念孫案勝當爲勝  
字之誤也勝字本作勝與勝極相似訛文勝音騰襄也商子賞刑篇曰  
贊茅岐周之粟以賞天下之人不得人一勝今本亦趙  
謫作勝



策曰、贏、勝、負、書、擔、棄、秦、策、勝、作、勝、義、同、肩、碎、米、也、廣、雅、  
作、糗、劉、曰、糗、糗、字、之、誤、糗、乾、飯、也、引、之、曰、捍、蓋、裡、字、之、  
誤、說、文、相、音似、畱、也、或、作、裡、方、言、曰、畱、東、齊、謂、之、裡、周、官、  
鄉、師、注、引、司、馬、法、曰、輦、一、斧、一、斤、一、鑿、一、裡、一、鉏、孟、子、  
滕、文、公、篇、藁、裡、而、掩、之、趙、注、曰、藁、裡、籠、畱、之、屬、謂、藁、為、  
籠、屬、裡、為、畱、屬、也、故、管、子、亦、以、裡、籠、竝、言、之、

山權數

賣子者

湯七年旱、禹五年水、民之無糴

通典載尹注、糴、糜也、糴、章延反、七字、今本脫、

賣子者、念孫案、民之無糴、賣子者、當依通典、食貨八所

引作民之無檀有賣子者言無檀之民有賣其子者也  
今本脫有字者涉下文民之無檀賣子者而誤

三年與少半 十一年與少半

故王者歲守十分之參三年與少半成歲三十一年而  
藏十一年與少半藏參之一不足以傷民而農夫敬事  
力作引之曰三年二字因下文而衍當作歲守十分之  
參與少半言一歲之穀分爲十分守其三分與一分之  
少半是所守者爲十分中三分之一也成歲者順成之  
歲也藏十一年衍一字當作藏十年言順成之歲三十  
一年而藏其十年與一年之少半是所藏者爲三十一

年中三分之一也故曰藏參之一

泄者

泄者失權也見射者失策也念孫案泄者上亦當有見字見泄見射皆承上文而言

亂之之本

此刑法之所起而亂之之本也念孫案亂之之本也行一之字

庸田

高田十石閒田五石閒田中田也乘馬數篇郡縣上與壤守之若干庸田三石引之以庸字義不可通庸當為是閒為中也

庫字形相似而誤庫田下田也

粟賈三十

粟賈一粟賈十粟賈三十粟賈百其在流策者百畝從中千畝之策也然則百乘從千乘也千乘從萬乘也引之以曰粟賈三十衍三字粟賈一者令增其賈而爲十粟賈十者令增其賈而爲百故百畝可以當千畝百乘之國可以當千乘千乘可以當萬乘也

蕃衰

民之能樹瓜瓠葦菜百果使蕃衰者劉曰衰育同念孫案劉說非也衰當作衰字之誤也玉篇廣韻衰字竝與

裕同蕃裕猶蕃衍耳世人多見裕少見衰故衰譌爲哀  
劉以上文言蕃育六畜故以蕃衰爲蕃育而不知其謬  
也朱本徑改爲育字則謬益甚矣洪說同

此國策之者也

謹聽其言而藏之官使師旅之事無所與此國策之者  
也念孫案國策之下當有大字上文云不以狹畏廣不  
以少畏多此國策之大者也其證

相困揅而奢 不資 可資

國用相靡而足相困揅而奢引之曰奢當爲瀆字之誤

也隸書瀆字作瀆瀆古贍字也荀子王制篇物不能贍  
因譌而爲奢楊倞曰瀆讀爲贍漢書

會貨志猶未足以澹其欲也師古曰澹古贍字也凡漢書贍字多作澹不可枚舉又漢巴郡太守張納功德敘而澹凍餒隸釋上句言足下句言贍贍亦足也侈靡篇曰以澹爲贍

曰山不童而用贍澤不弊而養足國蓄篇曰豈壤力固不足而食固不贍也哉禮記大傳曰民無不足無不贍者皆以贍足對文義與此同也相困揲而資當爲相揲而澹廣雅曰揲積也言國用相積而贍也相揲而贍與相靡而足對文困蓋衍字耳劉以奢爲吝字則義不可通朱本徑改爲吝則謬益甚矣又輕重甲篇飢者得食寒者得衣外者得葬不資者得振宋本資作奢亦是澹字之譌民不贍故振之山國軌篇曰振其不贍是也後

人不知澹爲澹之譌因改爲資耳下文不資者振之及  
至數篇散振不資者不資皆當爲不澹又國蓄篇千  
乘可足萬乘可資資與足對文亦當是澹字

掘闕

北郭有掘闕而得龜者尹注曰掘穿也求物反穿地至  
泉曰闕求月反引之曰闕卽掘字之假借玉篇廣韻掘  
音其勿其月二切其月與求月同是掘字本有求月反  
之音故闕與掘通亦音求月反掘闕二字音義無異也  
蓋管子本作闕校書者因其音義與掘同而旁記掘字  
傳寫者遂誤入正文耳尹不能釐正而強爲分別失之

蓄飾

萬乘之國不可以無萬金之蓄飾千乘之國不可以無千金之蓄飾百乘之國不可以無百金之蓄飾引之曰飾字義不可通飾當作餘餘飾二字篆文右畔相似故餘誤爲飾蓄餘者蓄所餘也萬金千金百金所餘之數也輕重甲篇曰蓄餘藏羨而不息

山至數

貧之

彼善爲國者不曰使之使不得不使不曰貧之使不得不用念孫案貧字義不可通揆度篇貧作用是也兩使



字兩用字皆上下相應

存子

泰秋田穀之存子者若干洪云予當爲子臣乘馬篇泰秋子穀大登又曰幣之在子者以爲穀而廩之州里皆其證念孫案通典食貨十二引此正作子

請散

請散棧臺之錢散諸城陽鹿臺之布散諸濟陰念孫案請散之散涉下文而衍太平御覽資產部十六引此無散字

三大夫之家 二十七人

始取夫三大夫之家方六里而一乘二十七人而奉一  
乘引之曰大字衍三夫之家謂三夫爲一家也乘馬篇  
曰邑成而制事四聚爲一離五離爲一制五制爲一田  
二田爲一夫三夫爲一家是也乘馬篇又曰白徒三十  
人奉車兩兩上脫一字此二十七人亦當作三十人蓋  
三誤爲二又衍七字也

### 唐園

唐園牧食之人念孫案唐園當爲唐園字之誤也會與  
飮同謂唐園中牧飮之人也輕重甲篇曰以唐園爲本  
利晏子春秋問篇曰治唐園考非履皆其證

地數

出銅之山二句

出銅之山四百六十七山、出鐵之山三千六百九山、念  
孫案史記貨殖傳正義、太平御覽地部一、引此出銅之  
山上、竝有凡天下名山五千三百七十一句、中山經亦  
有之、當據補、又引出銅之山二句、作出銅之山四百六  
十七、出鐵之山三千六百有九、今本二句末皆衍山字、  
案兩山字皆後人所加、次句中又脫有字、亦當依二書訂正、洪說  
同

此之所以

此之所以分壤樹穀也孫云之所以上脫天地二字

牛氏

夫玉起於牛氏遶山念孫案牛氏當作禺氏見國蓄揆  
度輕重甲輕重乙四篇

丈夫

陽春農事方作令民毋得築垣牆毋得繕冢墓丈夫毋  
得治宮室毋得立臺榭洪云丈夫當爲大夫輕重甲篇  
孟春旣至農事且起大夫毋得繕冢墓治宮室立臺榭  
築牆垣其證也太平御覽八百六十五引此作大夫

天高

天高我下、念孫案天高當作天下高、義見上文、輕重丁篇作天下高我獨下、

揆度

其勝禽獸之仇

其勝禽獸之仇、以大夫隨之、引之曰禽獸之仇、義不可通、禽獸安得有仇乎、下文曰、猛獸勝於外、則所勝者禽獸、非禽獸之仇也、之仇二字、蓋因下文若從親戚之仇而衍、尹不能釐正而曲爲之說、非、

桓公曰

桓公曰、事名二、正名五、而天下治、念孫案桓公曰當作

管子曰下文何謂事名二何謂正名五方是桓公問語

### 鑪橐

吾非埏埴搖鑪橐而立黃金也念孫案鑪橐當爲鑪橐

字之誤也

周官翦氏注故書橐爲橐橐譌作橐韓子八說篇干城距衝不若埏埴伏橐今本亦譌作

橐

老子天地之間其猶橐籥乎王注曰橐排橐也淮南

本經篇鼓橐吹埴以銷銅鐵高注曰橐冶鑪排橐也齊

俗篇曰鑪橐埴坊設非巧冶不能以治金論衡量知篇

曰工師鑿掘鑪橐鑄鑠乃成器故曰搖鑪橐而立黃金

### 賣其子

事再其本民無飽者賣其子念孫案賣上當有不字檀

卽飽嚮之飽言事再其本則民雖無飽而亦不賣其子也輕重甲篇曰事再其本則無賣其子者是其證

國準

菹菜

彼菹菜之壤非五穀之所生也念孫案菹菜當爲菹菜

字之誤也

俗書菜字作菜菜字作菜二形相似

菹或作沮孟子滕文公篇

注曰菹澤生草者也王制注曰沮謂菜沛周官縣師注

曰菜休不耕者是菹菜皆生草之地也輕重乙篇菹菜

鹹鹵片澤山閒垠壘不爲用之壤菜字亦誤作菜唯輕

重甲篇山林菹澤草菜菜字不誤

輕重甲

端謀晨

咎者桀之時女樂三萬人端謀晨樂聞於三衢念孫案  
太平御覽人事部一百三十四引作晨謀於端門樂聞  
於三衢是也今本既脫且倒則文不成義孫說同

一掌

請使州有一掌里有積五窳引之曰掌字義不可通當  
是稟字之譌

隸書掌或作稟與稟字略相似

稟古廩字也廩與窳皆所

以藏穀晏子春秋問篇命吏計公稟之粟荀子議兵篇

則必發夫稟窳之粟以食之今本稟字竝譌作掌

楊注荀子



曰掌輦主倉粟之官失之辯見荀子

### 夫妻服輦輕

杠池平之時夫妻服輦輕至百里宋本朱本輦作輦引

之曰輦字義不可通蓋輦字之譌輦字隸或作輦

見韓勅碑

字從車從𠂔

說文𠂔讀若伴侶之伴

𠂔字上畔之𠂔與隸書竹頭

作𠂔者相似因譌爲𠂔下畔之𠂔與叩字相似因譌爲

叩又脫去車字上一畫因譌爲輦筭之輦後又譌爲莞

輦之輦耳夫妻服輦者言杠池平之時民間夫妻服輦

而行不用牛馬亦不假多人輓之也海王篇行服連輅

輦者服連卽服輦也

周官鄉師注故書輦作連鄭司農云連讀爲輦中車連車組輓釋文

連本亦

字亦作捷淮南人間篇負輦載粟而至

今本脫載字說

見淮南

太平御覽治道部八引作服捷是也

高注訓服為駕牛捷為擔

皆失

服之言負也任重之名也

考工記車人牝服鄭司農云服讀為負小雅大

束篇皖彼牽牛不以服箱謂負箱也

史記貨殖傳卓氏見虜略獨夫妻推

輦行蓋服輦者或推或輓前後各一人故夫妻可以服

輦也下文云今高杠柴池東西南北不相睹天酸然雨

十人之力不能上正謂推輦不能上高粱也韓子外儲

說右篇茲鄭子引輦上高粱而不能支是也蓋杠池平

之時夫妻二人即可以服輦而過及其高杠柴池也天

雨荷下則雖十人之力不能服輦而登地高而輦重也

若作服簞則盛食之器甚輕何至十人舁之而猶不能上乎輦今人謂之二把手前後各兩輦一人兩手持輦輓於前一人如之推於後亦有夫婦推輓者婦以繩輓於前夫持兩輦推於後則此所謂夫妻服輦也

所無因

天酸然雨十人之力不能上廣澤遇雨十人之力不可得而恃夫舍牛馬之力所無因念孫案所無因當作無所因人力不足恃則必僭牛馬之力故曰夫舍牛馬之力無所因

通遠

鵝鶩之舍近鵝雞鵠鵠之通遠念孫案通當爲道字之  
誤也韓子外儲說右篇甘茂之吏道穴聞之呂氏春秋知化篇接士鄰境壤交道屬今本道字竝誤作通  
鵝鶩去人近鵝雞鵠鵠去人遠故曰鵝鶩之舍近鵝雞  
鵠鵠之道遠

解勾

三月解勾弓弩無匡軫者引之曰說文玉篇廣韻集韻  
皆無勾字勾當爲勾篆書缶字作缶去字作古二形相  
似隸書缶字作缶去字作去亦相似故隸書勾字多譌  
作勾漢冀州從事張表碑復攸陶父司隸校尉魯峻碑  
陰濟陰定陶皆是也勾讀與韜同弓衣也廣雅曰韜弓

藏也。小雅彤弓篇受言橐之。毛傳曰橐韜也。釋文韜本  
又作弣。說文曰弣弓衣也。古者召甸同聲。小爾雅曰緇  
索也。緇卽宵爾索綯之綯。小雅菀柳篇上帝甚蹈。一切  
經音義五引韓詩蹈作陶。楚辭九章滔滔孟夏兮。史記  
屈原傳滔滔作陶陶。說文招招招也。一切經音義七引  
通俗文曰招出曰招。是其證也。韜從召聲。故通作甸。

### 鞞

彼十鈞之弩。不得鞞。

舊本譌作鞞。今正。

不能自正。念孫案說

文玉篇廣韻集韻皆無鞞字。當是鞞字之譌。說文曰鞞  
輔也。徐鍇曰輔卽弓鞞也。故從木。說文又曰。楊所曰輔

弓弩又曰檄榜也。槩檄三字皆從木，其義一也。此文曰：彼十鈞之弩，不得槩檄，不能自正。荀子性惡篇曰：繫弱鉅黍，古之良弓也。然而不得排檄，則不能自正。說苑建本篇曰：身號之弓，雖良，不得排檄，不能自正。排檄與槩檄同。韓子外儲說右篇曰：榜檄者，所以矯不直也。鹽鐵論申韓篇曰：若隱栝輔檄之正弧刺也。槩輔榜一聲之轉，或言榜檄，或言輔檄，或言槩檄，其義一也。

此何故也

故三月解弣而弓弩無匡軫者，此何故也？以其家習其所也。念孫案：此何故也四字，涉上文而行，上是桓公問。

語此是管仲對桓公語不當言何故

忽然

桓公忽然作色念孫案忽然非作色之貌忽然當爲忿然隸書忿字或作忿形與忽相近而誤晏子春秋諫篇曰公忿然作色莊子天地篇曰爲圃者忿然作色齊策曰王忿然作色皆其證

大身

立大舟之都大身之都有淡淵壘十仞念孫案大身之都亦當爲大舟之都此復舉上文以起下文也舟與身字形相近而誤都卽禹貢大野旣豬之豬馬注云水所

停止溪者曰豬。史記夏本紀豬作都。

齊之北澤燒火炁照堂下

引之曰燒字絕句。火字下屬爲句。尹注獵而行火曰燒。式照反。九字本在燒字下。今本移入火字下。則誤以齊之北澤燒火爲句矣。

空閒

則空閒有以相給資。念孫案空閒當依朱本作空閒。謂以空閒之地給貧民。

吾

使夷吾得居楚之黃金。吾能令農毋耕而食。女毋織而



衣念孫案吾字涉上句夷吾而衍

菹薪

請君伐菹薪煮沸水爲鹽

舊本水譌作火據朱本改

念孫案下文云

山林菹澤草萊者薪蒸之所出也尹注非

也國

請以令糴之梁趙宋衛濮陽彼盡饋食之也國無鹽則腫念孫案朱本國字在也字上是也尹注云本國自無遠饋而食是其證無鹽則腫自爲句地數篇作惡食無鹽則腫

交殷

然後可以通財交殷也。念孫案殷字義不可通。殷當爲

段。即今假字。交段謂交偕財也。隸書殷字作段。段字作段。二

形相似。故段譌爲殷。

史記高祖功臣表。故市侯閭澤赤遷爲假相。漢表作殷相。殷乃段之

譌。又漢書地理志琅邪郡雩段。王子侯表作厚段。史記建元以來王子侯表譌作雩殷。說文假非

眞也。段偕也。是假偕之字本作段。今經傳相承作假。而

段字不復用。此段字若不誤爲殷。則後人亦必改爲假矣。

包止

遺財不可包止。洪云。包當作拘。拘畱也。揆度篇作貨財不安於拘。念孫案朱本正作拘。

正食

民食三升則鄉有正食而盜食二升則里有正食而盜食一升則家有正食而盜引之曰正字義不可通正當爲乏乏者匱也絕也史記高祖紀曰漢軍乏食是也乏食則不忍飢餓而爲盜矣乏字本作王形與正相似因譌而爲正宣十五年左傳曰文反正爲乏

有人

民人之食有人若干畝之數念孫案有人若干畝當依國蓄篇作人有若干畝

粟賈平四十則金賈四千

引之曰當作栗賈平釜四十金賈四千言今之栗賈平

每粟一釜其賈四十錢金賈每一金

孟子公孫丑篇趙注曰古者以一鑑

爲一金鑑

四十錢二者皆當時之賈也下文栗賈釜四

十則鍾四百也十鍾四千也二十鍾者爲八千也卽承

粟賈平釜四十言之金賈四千則二金中八千也卽承

金賈四千言之今本四十上脫釜字金賈上行則字

下

文栗賈釜四十則鍾四百而行

而文義遂不可通

珠象而以爲幣

吳越不朝珠象而以爲幣乎念孫案珠象上脫請字下

文皆有當據補

管子第十一

管子第十一

管子第十二

讀書雜誌五

高郵王念孫

輕重乙

推徐疾

推徐疾誤不足念孫案推當爲準準省作准因譌而爲推事語篇作准徐疾贏不足是其證

旁山

玉出於禺氏之旁山孫云旁山地數揆度二篇皆作邊山因邊旁字形相近而譌

十倍而不足

十倍而不足或五分而有餘者念孫案十倍上亦當有或字與下句對文。

霜露

故樹木之勝霜露者不受令於天念孫案露當爲雪木勝霜雪則經冬而不凋故曰不受令於天今本雪作露則非其旨矣侈靡篇云樹木之勝霜雪者不聽於天是其證

期軍士

期於泰舟之野期軍士念孫案下期字當依羣書治要作朝言與軍士期於泰舟之野而朝之也今作期者卽

涉上文期於而誤

易牙 五子

甯戚鮑叔隰朋易牙賓胥無皆差肩而立念孫案易牙二字後人所加也小匡篇云其相曰夷吾大夫曰甯戚隰朋賓胥無鮑叔牙易牙小臣豈得與四大夫差肩而立乎藝文類聚居處部四引此無易牙二字明是後人所加下文五子曰善五子本作四子因增入易牙故又改四爲五耳

見其

見其若此其厚而不舛列陳可以反於鄉乎念孫案見



其當依羣書治要作見禮見禮二字總承上文而言今本禮作其者涉上下文諸其字而誤

脫四字

請以令與大夫城藏引之曰此當作請以令與卿諸侯令大夫城藏城藏者藏粟於城中也下文曰下令卿諸侯令大夫城藏正承此句言之其曰使卿諸侯藏千鍾令大夫藏五百鍾列大夫藏百鍾則分承此句言之也今本大夫上脫卿諸侯令四字則與下文不合

常固

衡者使物一高一下不得常固念孫案固當爲調

下文兩固

字並同。調誤爲周。又誤爲固耳。下文衡數不可調。卽承此

句而言。國蓄篇曰。衡者使物一高一下。不得有調也。今本

脫此文說見國蓄篇是其證。

### 調則澄澄則常

調則澄澄則常常則高下不貳。貳當爲貳說見勢篇引之曰澄訓

爲清與調字常字義不相承。當是澄字之誤。說文澄音懲

平也。物之高者有時而下。下者有時而高。其數不能均

平。調之則前後相等而高下平矣。故曰調則澄。平則高

者常高。下者常下矣。故曰澄則常。古書篆作立心。與水

相近。鄭氏周易注見小雅采芣正義故心旁誤爲水旁。

分有四時

夫歲有四秋而分有四時念孫案此言以四秋分屬四時也分下不當有有字蓋涉上有字而衍下文同太平御覽時序部二引此作歲有四秋而分四時無下有字

而大秋

而大秋成五穀之所會念孫案大秋上衍而字上下文皆無此例太平御覽引此亦無

輕重丁

布泉 泉布 泉金

天下諸侯載黃金珠玉五穀文采布泉輸齊以收石壁

念孫案泉當爲帛。下文亦云有五穀叔粟布帛文采者。通典食貨十二引此正作布帛。又下文大夏帷蓋衣幕之奉不給謹守泉布之謝案泉布亦當爲帛布。布帛或曰帛布下文帛布絲纈之賈卽其證。此承上文帷蓋衣幕之奉而言則當云帛布不當云泉布。帛泉字相似又涉上文泉金而誤也。又下文功臣之家人民百姓皆獻其穀菽粟泉金案泉金亦當爲帛布上文作五穀叔粟布帛文采是其證。今作泉金者亦涉上文泉金而誤。

禪籍 不如令者不得從天子下諸侯

諸從天子封於太山禪於梁父者必抱菁茅一束以爲

禪籍不如令者不得從天子下諸侯載其黃金爭秩而走念孫案以爲禪籍禪字涉上文禪於梁父而衍籍當爲藉藉薦也史記封禪書曰江淮之間一茅三脊所以爲藉也是其證引之曰不如令者不得從爲句天下諸侯連讀其子字則因上文從天子而行

反此

令衡籍吾國之富商蓄賈稱貸家以利吾貧萌農夫不失其本事反此有道乎念孫案反此有道乎當依前後文作爲此有道乎今本爲作反者涉下反之而誤

幾何千家

其受息之萌幾何千家念孫案幾何千家當作幾何家其千字則涉下文千鍾而衍

其出之鍾

其出之鍾也一鍾洪云上鍾字當作中下文其出之中伯伍也其出之中鍾五釜也其出之中伯二十也字皆作中此涉下鍾字而誤

苦處 上斷福

東方之萌帶山負海苦處上斷福念孫案苦處當爲谷處上文山居谷處卽其證隸書谷字作𡗗苦字作𡗗二形相似而誤上斷福三字義不可通案上文云上斷輪

輜下采杼栗則此上斲輻當是上斲輻之譌上言斲輪輜此言斲輻若詩之言伐輪伐輻矣

曰

故稱貸之家曰皆再拜受念孫案衍曰字

### 墾田發

夫墾田發務上之所急可以無庶乎引之曰發下蓋脫草字國蓄篇曰耕田發草上得其數矣輕重甲篇曰今君躬犁墾田耕發草土又曰疆本趣耕發草立幣而無止是也務字屬下讀務上之所急者務農也農者上之所急也

鑑

今齊面之粟釜百泉

尹注五鑑爲釜今本鑑誤作鍾通典所引已誤

則鑑二十

也齊東之粟釜十泉則鑑二泉也

今本此泉字獨作請錢乃後人所改

以令籍人三十泉得以五穀菽粟決其籍若此則齊面  
出三斗而決其籍齊東出三釜而決其籍念孫案齊面  
之粟三斗三十錢則二斗二十錢也而鑑亦二十錢則  
是二斗爲一鑑也尹注云斗二升八合曰鑑失之矣

釜十

然則釜十之粟皆實於倉廩念孫案十當爲斗釜斗之  
粟卽承上三斗三釜而言隸書斗字作升後人誤以爲



什字而改爲十通典食貨十二引此已誤

阮而不遂 報上

溝瀆阮而不遂谿谷報上之水不安於藏引之曰阮當爲阮報當爲鄆皆字之誤也立政篇曰溝瀆不遂於隘鄆水不安其藏又曰通溝瀆脩障防安水藏隘與阮同鄆與障同

収粟

請有五穀収粟布帛文采者皆勿敢左右念孫案収當爲叔叔卽菽字戒篇出冬蔥與戊叔莊子列御寇篇食以芻叔漢書昭帝紀以叔粟當賦並與菽同大雅生民篇藟之荏菽檀弓啜菽飲水見下文輕左氏春秋定元年隕霜殺菽釋文並作叔

重甲篇亦云、子大夫有五穀菽粟者、勿敢左右、叔字草書作次、因譌而爲収、

請之

請以令召城陽大夫而請之、念孫案請之、當爲謫之、下文滅其位、杜其門、是謫之之事也、今作請之者、涉上請以令而誤、

此何以治

念孫案治當爲給、下文云、國中六給卽其證也、給治草書相似、故給譌爲治、尹注非、

表稱貸之家

念孫案表當依宋本作旌故尹注云旌表也今作表者涉注文而誤

民之父母也

詩曰愷悌君子民之父母也念孫案也字涉下文父母也而衍通典食貨十二引無也字

歸虵

投歸虵王雄孫云虵當依上文作蛇

賣賤

四郊之民賣賤何爲不富哉念孫案賣賤當作買賤言四郊之民多買賤物所以致富也今作賣賤者涉上文

賤賣而誤

何故

此其何故也念孫案當作此其故何也下文同

泮

泮龍夏其於齊國四分之一也洪云山至數篇龍夏以  
北至于海莊禽獸羊牛之地也此泮字本海莊二字譌  
并作一字念孫案洪說是也俗書莊字作庄隸書莊字  
作庄俗又  
省作庄因譌而爲庄加以則爲泮矣

操辭

君動言操辭引之曰操當作搖搖辭卽動言古人自有

複語耳。輕重甲篇云：動言搖辭，萬民可得而親，是其證。今本搖作操者，涉上文兩操字而誤。

一可以爲百

湯之以高下

湯讀爲蕩。陳風宛邱曰：子之湯兮。

注之以徐疾，一可以爲

百。念孫案：一可以爲百，當作一可以爲十。十可以爲百，山權數篇云：徐疾之數，輕重之策，一可以爲十，十可以爲百。此二句篇中凡兩見。是其證。

身不竭

源泉有竭，鬼神有歇，守物之終始，身不竭。念孫案：身上當有終字。上文終身無咎，卽其證。

輕重戊

帛牢

立帛牢服牛馬以爲民利念孫案帛當爲皐字之誤也  
史記五宗世家彭祖衣皐布衣漢書景十三王傳皐誤作帛皐以養馬牢以養牛故  
曰立皐牢服牛馬

其行義

公曰其行義奈何念孫案其字涉上文公其行義而衍  
脫一字

則是魯梁不賦於民財用足也念孫案財用上脫而字  
下文云則是楚不賦於民而財用足也卽其證

綆繻

綆繻而踵相隨念孫案繻與屨同

集韻屨或作繻

綆當作曳曳

引也言引屨而踵相隨也今作綆者因繻字而誤加糸耳尹注非

不居

室屋漏而不居念孫案居當爲治字之誤也齊民要術一太平御覽木部一引此竝作治下文室屋漏者得居二書居亦作治

不埒

齊者夷萊之國也一樹而百乘息其下者以其不埒也

念孫案增當爲假肖與肖同

列子力命篇倮倮成者倮成也初非成也張湛注倮

似也釋文云與肖字同又楊朱篇人肖天地之類釋文作倮

言此息於樹下者皆游

情之民故曰齊者夷萊之國也一樹而百乘息其下者以其不肖也下文三不歸皆承不肖言之宋本作捐齊民要術作稍皆肖字之譌

歸市

歸市亦情倪終日不歸念孫案歸市下當有者字歸市者對上文丁壯者及父老而言

貴買 令其買

代人忌其難得喜其貴買念孫案貴買當爲貴賈藝文



類聚武部獸部下太平御覽獸部二十一引此竝作貴  
價是其證下文亦云不敢辯其貴賈今作貴賈者涉上  
文公貴賈之而誤又下文衡山之君告其相曰天下爭  
吾械器令其賈再什以上案賈當依朱本作賈上文云  
衡山之械器必倍其賈卽其證此亦涉上文諸賈字而  
誤

公因

公因令齊載金錢而往念孫案公因當爲公其上文曰  
君其鑄莊山之金以爲幣下文曰公其令人貴賈衡山  
之械器而賈之皆其證

輕重己

搢玉總

天子東出其國四十六里而壇服青而纁青搢玉總帶  
玉監朝諸侯卿大夫列士循於百姓號曰祭日犧牲以  
魚朱本總作忽念孫案總與忽皆忽之譌忽卽笏字也  
皋陶謨在治忽鄭作習注云習者笏也臣見君所秉書  
思對命者也君亦有焉見史記夏本紀集解士喪禮竹笏今文笏  
作忽墨子公孟篇曰公孟子載章甫搢忽是笏與忽通  
也桓二年左傳袞冕黻珽杜注曰珽玉笏也此云天子  
搢玉忽卽玉藻所謂天子搢珽考工記玉人所謂大圭

長三尺天子服之者也周官典瑞云王晉大圭以朝日  
此云天子搢玉忽祭日正與周官合左傳正義引管子  
云天子執玉笏以朝日卽此篇之文

又檀權渠纒縹

念孫案又當爲又又與刈通齊語云槍刈耨耨是也說  
文檀鉏柄名鹽鐵論論勇篇云鉏耨棘檀以破衝隆權  
渠下文作穫渠未詳纒卽繩字之誤隸書黽字或作黽  
又作黽形與晁相似黽之爲晁與黽之爲晁其下半亦  
相類也縹亦繩也

此三人者

民生而無父母謂之孤子、無妻無子謂之老鰥、無夫無子謂之老寡、此三人者皆就官而眾。此字疑誤引之曰、人字衍、民之窮者有此三類、非謂僅有三人也。孟子梁惠王篇、老而無妻曰鰥、老而無夫曰寡、老而無子曰獨、幼而無父曰孤、此四者天下之窮民而無告者、文義與此同。

### 服黃而靜處

春盡而夏始、天子服黃而靜處、引之曰、下文曰、秋盡而冬始、天子服黑、纁黑而靜處、則此當云、天子服赤、纁赤而靜處、窮者脫誤耳。

### 同族者人

天子祀於太宗同族者人殊族者處念孫案人當爲入處止也言同族者則入祭異族者則止也

脫四字

以秋至日始數九十二日念孫案此下當有謂之冬至四字上文云以冬至日始數九十二日謂之春至以春至日始數九十二日謂之夏至以夏至日始數九十二日謂之秋至是其證

管子弟十二